



*Entidade Local Menor
de Bembrive*

**ACTA DA SESIÓN EXTRAORDINARIA DA XUNTA VECIÑAL NÚM. 4/2020, DO DIA 19
DE XUÑO DE 2020**

Na sede da Entidade Local Menor de Bembrive, sendo ás dezanove horas e trinta e tres minutos do venres día 19 de xuño de 2020, previa convocatoria de sesión extraordinaria realizada pola Alcaldía mediante Resolución de 16 do mesmo mes, reúnese a Xunta Veciñal, baixo a Presidencia do Alcalde-Pedáneo, D. Marcos Castro González, asistindo os seguintes vocais:

D ^a . Patricia Otero Carrera	PSdeG – PSOE
D. Jose González Domínguez	PSdeG – PSOE
D ^a . Antía González Fernández	PSdeG – PSOE
D. Manuel Costas Costas	PSdeG – PSOE

Asiste á sesión, en calidade de secretaria da Corporación, D^a. Patricia Alvarellos Leis.

A continuación, procédese ao obxecto da sesión o tratamento e resolución dos seguintes puntos da

ORDE DO DÍA

I. PARTE RESOLUTIVA:

1. **Actas anteriores:**
- Núm. 3/2020, do 11 de maio de 2020.
2. **Proposta da Alcaldía-Pedanía de levantamento de reparo suspensivo interposto pola Secretaria-Interventora das facturas incluídas na relación de Xustificantes de Gasto núm. 2020 16, por importe total de 1.783,27 €.**
3. **Proposta da Alcaldía-Pedanía de levantamento de reparo suspensivo interposto pola Secretaria-Interventora das facturas incluídas na relación de Xustificantes de Gasto núm. 2020 18, por importe total de 71.979,15 €.**

II. PARTE DE CONTROL:

4. **Anteproxecto de Informe de fiscalización selectiva da ELM de Bembrive do exercicio 2015 do Consello de Contas.**
5. **Resolucións da alcaldía – pedanía.**
6. **Rogos e preguntas.**

Ábrese a sesión polo Sr. Alcalde Pedáneo á hora arriba indicada.

Acto seguido, procédese ao tratamento dos puntos da ORDE DO DÍA:

- 1.- **Actas anteriores:**
- Núm. 3/2020, do 11 de maio de 2020.

Acta da sesión extraordinaria da Xunta Veciñal núm. 4/2020, do 19.06.2020



Entidade Local Menor de Bembridge

Sometida á consideración da Xunta Veciñal o borrador da acta da sesión citada, distribuída coa convocatoria desta sesión, e ao non producirse intervencións, declárase aprobada por unanimidade dos asistentes.

2. Proposta da Alcaldía-Pedanía de levantamento de reparo suspensivo interposto pola Secretaria-Interventora das facturas incluídas na relación de Xustificantes de Gasto núm. 2020 16, por importe total de 1.783,27 €.

Dase conta da proposta do Sr. Alcalde-Pedáneo de data 16 de xuño de 2020, co seguinte contido:

“En relación ao expediente de pagamento das facturas incluídas na relación de xustificantes de gasto núm. 2020 16 por un importe total conxunto de 1.783,27 €, emítase proposta en base aos seguintes

ANTECEDENTES DE FEITO

PRIMEIRO. – Vista a necesidade de pagamento das facturas incluídas na relación de xustificantes de gasto núm. 2020 16 correspondente ao xustificantes de gasto que a continuación se enumeran por un importe total de 1.783,27 €.

<i>Data fra.</i>	<i>Data rexistro</i>	<i>Núm. fra.</i>	<i>Núm. Xustificante gasto</i>	<i>Importe (€)*</i>
29.02.2020	06.03.2020	20005225	2020 66000050	423,67
30.03.2020	17.04.2020	20007810	2020 66000087	60,80
30.04.2020	08.05.2020	20725	2020 66000100	1.298,80
TOTAL				1.783,27

**IVE incluído*

SEGUNDO. - Que o 4 de xuño de 2020 emitiuse informe por parte da secretaria-interventora interpoñendo reparo suspensivo por carecer de consignación orzamentaria a nivel de vinculación xurídica, que obra no expediente.

LEXISLACIÓN APLICABLE

- Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais - TRLRFL-.*
- RD 424/2017 do 28 de abril, polo que se regula o réxime xurídico do control interno nas entidades do Sector Público Local.*

Por elo, visto o informe da secretaria-interventora de data 4 de xuño de 2020 que obra no expediente, dispoño que pase este para o seu debate e aprobación na vindeira sesión da Xunta Veciñal que se celebre, coa seguinte:

PROPOSTA DE ACORDO

PRIMEIRO. – Levantar o reparo suspensivo da Secretaria-Interventora.

Acta da sesión extraordinaria da Xunta Veciñal núm. 4/2020, do 19.06.2020



Entidade Local Menor de Bembrive

SEGUNDO. – Tramitar a modificación de crédito correspondente.

TERCEIRO.- Ordenar o pagamento das facturas incluídas no presente expediente”.

.....

Conclusións do Informe de Intervención do 04.06.2020, no que se interpón reparo:

- ➔ “A limitación cuantitativa para este tipo de contratos en función do seu valor estimado, según o disposto no artigo 101 da LCSP (Valor Estimado inferior a 15.000 € para contratos de servizos e subministros e 40.000 € para contratos de obras, IVE excluído) e temporal (non pode ter unha duración superior a 1 ano nin ser obxecto de prórroga).
- ➔ Informe do órgano de contratación motivando a necesidade do contrato.
- ➔ Poden adjudicarse directamente a calquera empresario con capacidade de obrar e coa habilitación profesional necesaria.

A Instrucción 1/2019, de 28 de febreiro, da Oficina Independente de Regulación e Supervisión da Contratación -OIRESCON-, de acordo co principio de competencia, e como medida anti fraude e de loita contra a corrupción, esixe que o órgano de contratación solicite sempre tres orzamentos, independentemente da contía do gasto previsto, si ben a doutrina recente ao respecto (entre outros, Informe 2/2019, de 13 de xuño de 2019, da Xunta Superior de Contratación Administrativa da Generalitat de Valencia; Circular 1/2019, de 4 de xuño de 2019, da Dirección Xeral de Contratación, Patrimonio e Organización, do Goberno de Aragón, sobre o ámbito de aplicación da Instrucción 1/2019) entende que non é obrigatorio para as Entidades Locais, si o entendemos recomendable.

- ➔ A xustificación do órgano de contratación de que non se está alterando o obxecto do contrato para evitar a aplicación das regras xerais de contratación.

Esta obriga de xustificar no expediente de que non se altera o obxecto do contrato está vinculada á prohibición recollida no artigo 99 da LCSP, isto é, ao fraccionamento ilícito dun contrato coa finalidade de evitar o emprego doutro procedemento que requirise publicidade e concurrencia. Isto, en esencia, tradúcese en que as obras constitúan unidades funcionais independentes, que se poidan destinar directamente ao uso público, e que os servizos e subministros se destinen a atender a necesidades puntuais ou esporádicas e non repetitivas no tempo.

- ➔ A aprobación do gasto e a incorporación da factura correspondente.

Conforme ao disposto na Disposición Adicional 3ª.4 da LCSP, nos municipios de menos de 5.000 habitantes – como é o caso da Entidade Local Menor de Bembrive -, a aprobación do gasto poderá ser substituída por unha certificación de existencia de crédito expedida pola Secretaria-Interventora.

- ➔ Publicidade no perfil do contratista (na páxina web da Entidade Local, que haberá de estar aloxada na plataforma de contratos do sector público ou na da correspondente Comunidade Autónoma -art. 347-) cunha periodicidade, como mínimo, trimestral, dos contratos menores celebrados, obriga que xa viña recollida na Lei 19/2013, de transparencia, acceso á información pública e bo Goberno, e que agora incorpora con maior detalle a LCSP no seu artigo 63.4:

Acta da sesión extraordinaria da Xunta Veciñal núm. 4/2020, do 19.06.2020



Entidade Local Menor de Bembrive

“4. A publicación da información relativa aos contratos menores deberá realizarse polo menos trimestralmente. A información para publicar para este tipo de contratos será, polo menos, o seu obxecto, duración, o importe de adxudicación, incluído o Imposto sobre o Valor Engadido, e a identidade do adxudicatario, ordenándose os contratos pola identidade do adxudicatario. Quedan exceptuados da publicación á que se refire o parágrafo anterior, aqueles contratos cuxo valor estimado fose inferior a cinco mil euros, sempre que o sistema de pago utilizado polos poderes adxudicadores fose o de anticipo de caixa fixa ou outro sistema similar para realizar pagos menores”.

SEGUNDO.- Descrición detallada do gasto, que é obxecto de reparo polos seguintes motivos:
A posta en disposición a esta Intervención do expediente que aquí nos ocupa non cumpre os requisitos mínimos anteriormente mencionados, xa que non existe consignación orzamentaria nas partidas correspondentes ao nivel de vinculación xurídica definido na Base 6ª dos Orzamentos da ELM de Bembrive e non constan informes do órgano de contratación motivando a necesidade dos contratos nin a aprobación dos gastos ou certificación de existencia de crédito. Os contratos menores non están sometidos a fiscalización previa según o art. 219 do R.D.L. 2/2004, do 5 de marzo, que aproba o Texto Refundido da Lei Reguladora das Facendas Locais (TRLRFL). Por este motivo, esta Intervención non tivo ocasión de comprobar o cumprimento de que a Entidade actuou en exercicio das súas competencias (art. 163 da Lei 5/1997, de Administración Local de Galicia), nin sobre a existencia da previa autorización do gasto a realizar.

A contratación levada a cabo determina un suposto de contratación irregular, na medida que a prestación obxecto deste expediente se leva a cabo sobre a base dunha contratación verbal, a cal está expresamente prohibida polo artigo 37.1 da Lei 9/2017, de 8 de novembro, de Contratos do Sector Público, coa excepción dos supostos previstos para a tramitación de emerxencia a que se refire o artigo 120.1 do devandito corpo legal, que non é de aplicación ao contrato de referencia.

Esta contratación verbal consiste no encargo desta prestación prescindindo total e absolutamente do procedemento e das formalidades establecidas na LCSP.

B) Observacións:

-Según os datos contados na base de datos de contabilidade desta Entidade Local, na actualidade existen por diversos motivos alleos a esta Intervención un elevado número de facturas dos exercicios anteriores que se atopan pendentes de conformidade, tramitación, aprobación e posterior pago, e outras pagadas pendentes de aplicación ao orzamento, e que teñen máis antigüidade que as que constan neste expediente, e que por tanto debían ser preferentemente tramitadas e aprobadas, conforme ao Plan de Disposición de Fondos (BOP do 17.02.2014), que está vixente na actualidade e as normas xerais, debendo seguirse a orde cronolóxica de incoación dos expedientes, a cal é a data de rexistro da factura.

Esta forma de actuar supón unha vulneración sistemática do disposto no artigo 187 do TRLRFL que establece que á hora de realizar a expedición das ordes de pago, terán prioridade as obrigas contraídas nos exercicios anteriores, así como da Lei 39/2015 do Procedemento Administrativo Común, que recolle a necesidade de tramitar os expedientes administrativos de gasto pola data de presentación de factura no rexistro correspondente.

Compre lembrar que unha situación de dilatación no pago das facturas, así como as numerosas reclamacións de cantidades existentes nos Xulgados pode dar lugar a consecuencias económicas e orzamentarias que causen quebrantos avaliábeis economicamente á Entidade Local Menor de Bembrive, que, a súa vez, poden dar lugar a responsabilidades persoais da Entidade esixibles conforme ao disposto no art. 36 da Lei 40/2015, de 1 de outubro, do Réxime Xurídico do Sector Público.

A estes efectos, lémbrese a necesidade de tramitar e pagar as facturas dentro do prazo legal establecido na vixente Lei de Contratos, xa que, entre outros motivos, a demora nos pagos supón



Entidade Local Menor de Bembrive

a obriga de satisfacer xuros de mora consonte ao disposto na Lei 3/2004, de 29 de decembro, pola que se establecen medidas de loita contra a morosidade.

- As facturas obxecto deste expediente veñen dilixenciadas de conformidade coa prestación realizada que se describe nos respectivos documentos, en canto a calidade, cantidade e prezo, polo Alcalde-Pedáneo da Entidade Local Menor de Bembrive.

C) *Carácter e efectos dos reparos formulados:*

Como consecuencia de todo o anteriormente exposto, procede formular reparo suspensivo, conforme ao disposto nos artigos 216 a) e c) do Texto Refundido da Lei Reguladora de Facendas Locais e art. 12.3.c) do RD 424/2017, de 28 de abril, por insuficiencia de crédito e omisión no expediente de requisitos ou trámites esenciais que dan lugar a nulidade do acto administrativo, en virtude do artigo 39.1 da LCSP que remite ao art. 47.e) da Lei 39/2015, de 1 de outubro, do Procedemento Administrativo Común (LPACAP) e art. 39.2.b) da LCSP.

O citado reparo ten carácter suspensivo e corresponde á Xunta Veciñal resolver a discrepancia de conformidade cos artigos 217.2.a) do TRLRFL e 15.2.a) do R.D. 424/2017, de 28 de abril, polo que se regula o réxime xurídico de control interno nas entidades do Sector Público Local.”

.....

Non se producen máis intervencións.

ACORDO: Sométese o asunto a votación, resultando que por unanimidade dos cinco membros presentes (do Sr. Alcalde e dos vocais, Sra. Otero Carrera, Sr. González Domínguez, Sra. González Fernández e Sr. Costas Costas), **acórdase aprobar a proposta tal como quedou anteriormente transcrita.**

3. Proposta da Alcaldía-Pedanía de levantamento de reparo suspensivo interposto pola Secretaria-Interventora das facturas incluídas na relación de Xustificantes de Gasto núm. 2020 18, por importe total de 71.979,15 €.

Dase conta da proposta do Sr. Alcalde-Pedáneo de data 16 de xuño de 2020, co seguinte contido:

En relación ao expediente de pagamento da relación de xustificantes de gasto núm. 2020 18 por un importe total conxunto de 71.979,15 €, emítase proposta en base aos seguintes

ANTECEDENTES DE FEITO

PRIMEIRO. – Vista a necesidade de pagamento das facturas incluídas na relación de xustificantes de gasto núm. 2020 18 por importe total de 71.979,15 €.

SEGUNDO. - Que o 15 de xuño de 2020 emitíuse informe por parte da secretaria-interventora interpoñendo reparo suspensivo por carecer de consignación orzamentaria a nivel de vinculación xurídica dos créditos (Área de gasto/Capítulo), que obra no expediente.

LEXISLACIÓN APLICABLE

Acta da sesión extraordinaria da Xunta Veciñal núm. 4/2020, do 19.06.2020



Entidade Local Menor de Bembrive

- Real Decreto Legislativo 2/2004, do 5 de marzo, polo que se aproba o texto refundido da Lei Reguladora das Facendas Locais - TRLRFL-.
- RD 424/2017 do 28 de abril, polo que se regula o réxime xurídico do control interno nas entidades do Sector Público Local.
- Lei Orgánica 2/1982, do 12 de maio, do Tribunal de Contas.

Por elo, visto o informe da secretaria-interventora de data 15 de xuño de 2020 que obra no expediente, dispoño que pase este para o seu debate e aprobación na vindeira sesión da Xunta Veciñal que se celebre, coa seguinte:

PROPOSTA DE ACORDO

PRIMEIRO. – Levantar o reparo suspensivo da Secretaria-Interventora derivado da insuficiencia de crédito adecuado para aprobar os referidos gastos pola cantidade total de 71.979,15 €.

SEGUNDO. – Levantar a suspensión da tramitación do expediente esixida polo artigo 216 do R.D.Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, e ordenar a tramitación e terminación do expediente.

TERCEIRO.- Aprobar as facturas incluídas na relación de xustificantes de gasto nº 2020 18.

CUARTO.- Ordenar o pago de inmediato da totalidade das facturas con cargo á conta non orzamentaria de “Pagos pendentes de aplicación” (conta 40001 non presupostaria) en tanto non se dispoña do crédito no orzamento da Entidade e unha vez aprobada a modificación de crédito que proceda aplicar os pagos realizados ao Orzamento saldando a conta 555.

Non obstante, a Xunta Veciñal acordará o que estime pertinente”.

.....

Conclusións do Informe de Intervención do 15.06.2020, no que se interpón reparo:

C) Conclusións:

- As prestación amparadas nas facturas incluídas no presente expediente foron obxecto dunha contratación irregular, na medida en que foron adquiridas sen contar con crédito presupostario no momento no momento de realizar o encargo das prestación correspondentes
- Non existe crédito para atender aos gastos expresados que constan na Relación de Xustificantes de Gasto 2020/18 por 71.979,15 €, e se formula reparo por tal motivo e se advirte da improcedencia do seu pago.
- Os ordenadores de gastos e pagos serán persoalmente responsables de todo gasto que autoricen e de toda obligación que recoñezan, liquiden ou paguen sen crédito suficiente, como ocorre neste caso.

D) Cárcater e efectos dos reparos formulados:

Como consecuencia de todo o anteriormente exposto, procede formular reparo suspensivo, conforme ao disposto nos artigos 216 a) e c) do Texto Refundido da Lei Reguladora de Facendas Locais e art. 12.3.c) do RD 424/2017, de 28 de abril, por insuficiencia de crédito e omisión no expediente de requisitos ou trámites esenciais que dan lugar a nulidade do acto administrativo, en

Acta da sesión extraordinaria da Xunta Veciñal núm. 4/2020, do 19.06.2020



Entidade Local Menor de Bembrive

virtude do artigo 39.1 da LCSP que remite ao art. 47.1.e) da Lei 39/2015, de 1 de outubro, do Procedemento Administrativo Común (LPACAP) e art. 39.2 da LCSP.

O citado reparo ten carácter suspensivo e corresponde á Xunta Veciñal resolver a discrepancia de conformidade cos artigos 217.2.a) do TRLRFL e 15.2.a) do Real Decreto 424/2017, de 28 de abril, polo que se regula o réxime xurídico de control interno nas entidades do Sector Público Local.

É canto teño a ben informar sen prexuízo doutros criterios que, axustados a Dereito, sexan máis convenientes para os intereses da corporación.”

.....

Non se producen máis intervencións.

ACORDO: Sométese o asunto a votación, resultando que por unanimidade dos cinco membros presentes (do Sr. Alcalde e dos vocais, Sra. Otero Carrera, Sr. González Domínguez, Sra. González Fernández e Sr. Costas Costas), **acórdase aprobar a proposta tal como quedou anteriormente transcrita.**

II. PARTE DE CONTROL:

4. Anteproxecto de Informe de fiscalización selectiva da ELM de Bembrive do exercicio 2015 do Consello de Contas.

Pola Alcaldía Pedanía dase conta da recepción o 08.06.2020 do anteproxecto de informe de fiscalización selectiva núm. 1622019-17 da ELM de Bembrive do exercicio 2015 elaborado polo Consello de Contas de Galicia; concedendo un prazo de 15 días hábiles para formular alegacións ao mesmo, e que se está valorando a posibilidade de presentalas por parte desta Entidade. O Alcalde non fai referencia algunha ao contido do citado informe.

5. Resolucións da alcaldía – pedanía.

De conformidade ao recollido nos art. 22.2 da Lei 7/1985 e art. 42 do RD 2568/1986 polo que se aproba o ROF, pola Presidencia dase conta da relación das resolucións adoptadas pola mesma dende a convocatoria da sesión do 27.02.2020 ata a desta, e que estiveron á disposición dos Sres. e Sras. vogais dende a convocatoria desta sesión:

030 16/03/2020 *Decreto de medidas adoptadas como consecuencia da crise sanitaria do coronavirus (Covid-19).*

031 30/03/2020 *Recoñecemento da obriga de gasto e orde do pago das nóminas dos traballadores desta Entidade correspondentes ao mes de marzo, por 6.201,22 € (importe neto).*

032 30/03/2020 *Recoñecemento da obriga e orde de pago por sentenza do Xulgado Contencioso - Adm. 2 de Vigo, no P.O. 497/18, promovido por Luis Martínez Gómez, condenando ao pago do imp. de 48.988,79 € en concepto de principal.*

033 30/03/2020 *Aprobar relación de 7 xustificantes de gasto, nº 8/2020 (varios submin. e servizos do Entroido de 2020), e orde de recoñecemento con cargo ás corresp. partidas para seu pago, por impte. bruto de 5.166,80 €.*

Acta da sesión extraordinaria da Xunta Veciñal núm. 4/2020, do 19.06.2020



Entidade Local Menor de Bembrive

- 034 01/04/2020 Ordear a venta de 3 lotes de madeira cun volume de 220 m³, no Cño. Arieiro 21, Estrada das Plantas 1, e Círculo Mercantil, a Carballeira Forestal S.L., por impte. bruto de 9.688,00 €.
- 035 03/04/2020 Aprobar, a solicitude de C. Romero Núñez, a suspensión de contrato de arrendamento da caseta bar do Parque forestal de Bembrive, con efectos desde o 14.03.2020 e a paralización de emisión de recibos ata o fin do estado de alarma polo Covid-19.
- 036 03/04/2020 Recoñecemento de obriga do gasto e orde de pago a 3 corporativos por asistencia a unha sesión da Xunta Veciñal en febreiro 2020, por impte. bruto total de 1.350 €.
- 037 03/04/2020 Recoñecemento de obriga do gasto e orde de pago a 3 corporativos por asistencia a unha sesión da Xunta Veciñal en marzo 2020, por impte. bruto total de 1.350 €.
- 038 13/04/2020 Aprobación provisional de proposta da Comisión do Fondo de Acción Social de concesión de axudas do Fondo de Acción Social de 2019 a 3 traballadores, por impte. bruto total de 2.296,50 €.
- 039 20/04/2020 Salvar reparo suspensivo de intervención e aprobar relación de 12 xustificantes de gasto, nº 9/2020 (varios submin., servizos e obra), e orde de recoñecemento con cargo ás corresp. partidas para seu pago, por impte. íntegro de 4.965,38 €.
- 040 20/04/2020 Salvar reparo suspensivo de intervención e aprobar relación de 17 xustificantes de gasto, nº 10/2020 (varios submin. e servizos), e orde de recoñecemento con cargo ás corresp. partidas para seu pago, por impte. Íntegro total de 3.423,79 €.
- 041 30/04/2020 Recoñecemento da obriga de gasto e orde do pago das nóminas dos traballadores desta Entidade correspondentes ao mes de abril (incluído FAS 2019), por 8.171,11 € (importe neto).
- 042 30/04/2020 Recoñecemento da obriga de gasto e orde do pago das nóminas dos membros da Xunta Veciñal desta Entidade con dedicación correspondentes ao mes de abril, por 2.159,28 € (impte. neto).
- 043 07/05/2020 Convocatoria de sesión extraordinaria e urxente da Xunta Veciñal (a porta pechada con motivo do estado de alarma por coronavirus) para o 11.05.2020 (5 asuntos).
- 044 11/05/2020 Salvar reparo suspensivo de intervención e aprobar relación de 9 xustificantes de gasto, nº 13/2020 (varios submin. e servizos), e orde de recoñecemento con cargo ás corresp. partidas para seu pago, por impte. Íntegro total de 2.263,23 €.
- 045 15/05/2020 Aprobar devolución de ingreso indebido por erro de tres transferencias de 230 € relativas á adquisición de sidra, por impte. total de 460 €.

Acta da sesión extraordinaria da Xunta Veciñal núm. 4/2020, do 19.06.2020



Entidade Local Menor de Bembridge

- 046 18/05/2020 *Salvar reparo suspensivo de intervención e aprobar relación de 16 xustificantes de gasto, nº 14/2020 (various submin. e servizos), e orde de recoñecemento con cargo ás corresp. partidas para seu pago, por impte. íntegro total de 3.247,33 €.*
- 047 25/05/2020 *Conformidade para pago de 7.404,38 € a Excavaciones y Construcciones M. Pérez Portela, S.L., con cargo ao Fondo de Melloras do MUP 563, por realización da obra de reparación de paso de auga na pista da Fraga.*
- 048 29/05/2020 *Recoñecemento da obriga de gasto e orde do pago das nóminas dos traballadores desta Entidade correspondentes ao mes de maio, por 6.182,58 € (importe neto).*
- 049 29/05/2020 *Recoñecemento da obriga de gasto e orde do pago das nóminas dos membros da Xunta Veciñal desta Entidade con dedicación correspondentes ao mes de maio, por 2.261,32 € (impte. neto).*
- 050 02/06/2020 *Recoñecemento de obriga do gasto e orde de pago a 3 corporativos por asistencia a unha sesión da Xunta Veciñal en maio 2020, por impte. bruto total de 1.350 €.*
- 051 02/06/2020 *Salvar reparo suspensivo de intervención e aprobar relación de 9 xustificantes de gasto, nº 15/2020 (various submin. e servizos), e orde de recoñecemento con cargo ás corresp. partidas para seu pago, por impte. íntegro total de 1.947,39 €.*
- 052 08/06/2020 *Salvar reparo suspensivo de intervención e aprobar relación de 3 xustif. de gasto, nº 17/2020 (obras adxudicadas a A. Fernández Gómez), e orde de recoñecemento con cargo ás corresp. partidas para seu pago, por impte. íntegro total de 4.480,63 €.*
- 053 16/06/2020 *Convocatoria de sesión extraordinaria da Xunta Veciñal para o 19.06.2020 (6 asuntos).*

6. Rogos e preguntas.

Non se formulan.

E non tendo outros asuntos a tratar, a Presidencia levanta a sesión sendo as 19.43 h. do día indicado de todo o cal, como secretaria, dou fe.

Vº e pr. do Alcalde Pedáneo,

Asdo. Marcos Castro González

A Secretaria Interventora,

Asdo. Patricia Alvarellos Leis

Acta da sesión extraordinaria da Xunta Veciñal núm. 4/2020, do 19.06.2020